

**BOSNA I HERCEGOVINA
FEDERACIJA BOSNE I HERCEGOVINE**

**ODBOR ZA JAVNI NADZOR
REVIZORSKE KOMORE, DRUŠTAVA ZA REVIZIJU I OVLAŠTENIH REVIZORA
U FEDERACIJI BOSNE I HERCEGOVINE**

IZVJEŠTAJ O RADU

2015. GODINA

PRAVNI POLOŽAJ, ORGANIZACIJA I ZADACI

Odredbama člana 66. Zakona o računovodstvu i reviziji u Federaciji Bosne i Hercegovine („Službene novine Federacije BiH“, broj: 83/09 - u daljem tekstu: Zakon) propisano je da javni nadzor nad Revizorskom komorom, društvima za reviziju i ovlaštenim revizorima provodi Odbor za javni nadzor.

Prema Zakonu, Odbor ima pet članova koje na prijedlog Federalnog ministra finansija (dalje: Ministar), imenuje i razrješava Vlada Federacije. Odbor donosi odluke konsenzusom. Članovi Odbora moraju biti eksperti iz oblasti revizije koji posjeduju znanje iz tog područja i koji nisu profesionalno angažovani u provođenju revizije.

Vlada Federacije BiH je, na prijedlog Ministra, Rješenjem: V broj: 1168/2013. od 23. 10.2013. godine, koje je objavljeno u Službenim novinama, imenovala Odbor za javni nadzor u sastavu: Haris Jahić, Nedžad Tuće, Željko Šain, Safija Žilić i Željko Bošnjak.

Prva, konstitutivna, sjednica Odbora za javni nadzor održana je 21.01.2014. godine. Organizacija, način rada, prava i obaveze Odbora za javni nadzor uređeni su Poslovníkom Odbora koji je donesen na osnovu Zakona i dostavljen na saglasnost Ministru Vlade Federacije BiH.

Sredstva za finansiranje aktivnosti Odbora obezbjeđuju se u Budžetu Federacije Bosne i Hercegovine. Međutim, od uspostave Odbora, pa zaključno sa 31.12.2015. godine, sredstva za rad Odbora nisu osigurana u Budžetu F BiH.

Sjednice Odbora održavane su u prostorijama Federalnog ministarstva finansija, koje pruža neophodnu administrativno-tehničku podršku potrebnu za nesmetan rad Odbora.

Prema Zakonu, Odbor je dužan dostaviti izvještaj o radu za proteklu godinu i izvršenju finansijskog plana, putem Ministarstva Vladi Federacije BiH, na razmatanje i prihvatanje, najkasnije do 31. marta tekuće godine.

Također, program rada i finansijski plan za narednu godinu Odbor je obavezan dostaviti Vladi Federacije BiH, najkasnije do 31. decembra tekuće godine.

Odbor je 2014.godine dostavio, putem Ministarstva, program rada za dvogodišni period, 2014. i 2015. godinu, kao i finansijski plan, međutim, isti nikada nije razmatran od strane Vlade.

Program rada i Izvještaj o radu Odbora, moraju, prema Zakonu, biti objavljeni na internetskim stranicama Ministarstva i Vlade Federacije BiH, što također nije urađeno.

S obzirom na propisano u Zakonu i Poslovníku o radu, Odbor:

1. vrši provjeru i nadzor u skladu sa članom 66. Zakona;

2. prati provedbu propisa iz oblasti računovodstva i revizije, predlaže njihove izmjene i dopune, te sudjeluje u postupku izrade nacрта propisa putem svojih članova;
3. u svrhu provedbe ovlaštenja, po službenoj dužnosti ili na prijedlog zainteresovane strane, po pravu nadzora, može predložiti Komori da poništiti, ukine ili izmijeni akte Komore;
4. može naložiti inspekcijski nadzor revizorskih društava i ovlaštenih revizora putem Komore, stručnih lica ili nadležnih državnih institucija.

Odbor razmatra godišnji izvještaj o radu Komore, koji je Komora dužna dostaviti Odboru u roku od 15 dana od usvajanja na Skupštini Komore i o istome daje mišljenje koje se, zajedno sa izvještajem Komore, uz posredovanje Ministarstva, dostavlja Vladi Federacije BiH.

U cilju provođenja javnog nadzora Odbor može, prema potrebi, tražiti odgovarajuće izvještaje i podatke o aktivnostima Komore.

Ako u provedbi javnog nadzora Odbor ocijeni da postoji osnovana sumnja u nezakonitosti i nepravilnosti koje proizlaze iz provođenja javnih ovlaštenja od strane Komore:

- zatražit će izvještaje i druge podatke o uočenim mogućim nepravilnostima,
- predložit će mjere radi njihovog otklanjanja,
- pokrenut će postupak za utvrđivanje odgovornosti zaposlenika Komore,
- tražit će sazivanje Skupštine Komore ukoliko je to potrebno radi zaštite zakonitosti i dobrobiti revizorske struke,
- obavijestit će Ministarstvo i
- poduzet će druge mjere iz svoje nadležnosti.

Odbor, kontinuirano, prema propisanom, treba da prima obavijesti od revizorske Komore vezano za nadzor rada i provjeru kvalitete rada revizorskih društava i ovlaštenih revizora, o prekršajnim postupcima i drugim preuzetim mjerama da se uklone i sankcionišu utvrđene nepravilnosti.

Odbor prema Zakonom propisanom obavezan je na saradnju sa nadzornim tijelima u Republici Srpskoj, Brčko Distriktu, državama članicama Evropske unije i trećim zemljama, posebno u slučajevima utvrđivanja određenih nepravilnosti u radnjama društava za reviziju i ovlaštenih revizora.

Odbor, također, daje prethodnu saglasnost Ministarstvu da, na prijedlog Komore i na osnovu iskazane potrebe u toku provedene naknadne provjere i rezultata provjere, donese akt kojim će odlučiti o brisanju iz registra društva za reviziju i/ili proglasiti, ranije izdatu licencu ili odobrenje, nevažećim.

AKTIVNOSTI ODBORA U 2015. GODINI

Tokom 2015. godine, Odbor je održao tri sjednice (VII, VIII i IX) na kojima su, kao najvažnije, razmatrane Informacija o zaprimljenom e-mailu od članova skupštine Revizorske komore u povodu zakazane sjednice skupštine Komore u svjetlu aktuelnih dešavanja,

razmatranje Izvještaja o radu Odbora i Revizorske komore za 2014. godinu i Informacije Odbora o radu Revizorske komora, te informacije o održanom sastanku i zaključcima sa sastanka u Federalnom ministarstvu finansija.

S obzirom na problem vezano za funkcionisanje Revizorske komore, te kašnjenje u realizaciji nadzornih i drugih aktivnosti i zadataka Komore, kao i problem vezane za osiguranje materijalno-tehničkih uslova za rad Odbor, nisu se stvorili uslovi za funkcionisanje Odbora u punom kapacitetu u 2015. godine, niti je uloga, značaj i potreba za funkcionisanjem Odbora prepoznata od strane nadležnih organa.

U maju mjesecu, s obzirom na tada aktuelne promjene, upućena je molba Ministarstvu za rješavanje položaja Odbora i osiguranja neophodnih uslova za njegovo funkcionisanje u punom kapacitetu.

Sastanak članova Odbora u Ministarstvu održan je 12.10.2015. godine, kada su dogovorene aktivnosti Odbora i Ministarstva u smislu obraćanja Vladi F BiH, kako bi Odbor u 2016. godini započeo sa vršenjem nadzorne funkcije, kao glavne dužnost Odbora prema propisanom u Zakonu.

Odbor je potom održao Devetu sjednicu 28.10.2015. godine na kojoj se razmatrala informacija za Vladu FBiH pripremljena u skladu sa dogovorom sa navedenog sastanka održanog 12.10.2015. godine.

Do kraja 2015.godine Izvještaj odbora za 2014. godinu, kao i program rada za 2014. i 2015. godinu nisu razmatrani od strane Vlade Federacije BiH, a nisu osigurana ni sredstva u Budžetu Federacije BiH neophodna za rad Odbora, niti je Odbor dobio povratnu informaciju o statusu dostavljenjih materijala i urgencija Odbora vezano za osiguranje potrebnih uslova za izvršavanje Zakonom propisanih dužnosti Odbora.

FINANSIJSKI PLAN I NJEGOVO IZVRŠENJE ZA 2015. GODINI

U skladu sa odredbama Zakona, Odbor se finansira iz sredstava Federalnog budžeta.

Međutim u 2014. godini, kao i u 2015. godini, iako su planirana sredstva, ona nisu dodjeljena Odboru tokom 2015. godine, što je Odbor onemogućilo da u punom kapacitetu obavlja svoje zakonom propisane dužnosti i realizuje planirane zadatke.

U prilogu se daje prijedlog Finansijskog plana Odbora za 2016. godinu, te program rada za 2016. godinu, kako bi se putem Federalnog ministarstva finansija dostavio Vladi Federacije BiH.

Broj: 01-02-7/16

Sarajevo, 16.02.2016. godine

PREDSJEDAVAJUĆI ODBORA

Safija Žilić
